

Malaysia Laksana Standard Halal Baru
Bernamea
05 Julai, 2012

KUALA LUMPUR, 5 Julai (Bernama) -- Isu makanan halal di negara ini tidak lagi menjadi topik bermusim di media bila Standard Halal Malaysia baru dikuatkuasakan Jabatan Kemajuan Islam Malaysia (JAKIM).

Isu halal biasanya semakin mendapat perhatian menjelang Ramadan dan menurut Timbalan Menteri Sains, Teknologi dan Inovasi Datuk Fadillah Yusof ini akibat kekeliruan pengguna tentang standard halal sebelum ini oleh kerana banyak badan terlibat dalam perkara berkenaan.

Beliau berkata, mulai 1 Julai ini, pengguna boleh yakin bahawa semua makanan yang dijual di premis yang memasang logo halal benar-benar halal.

Demikian juga produk di para-para pasar raya yang akan memasang logo tersebut mulai 1 Jan tahun depan, kata beliau.

Beliau berucap pada Program Kerjasama Teknikal Malaysia (MTCP) mengenai Standard Halal dan Infrastruktur Pematuhan bagi Pertubuhan Negara-negara Kerjasama Islam (OIC) di sini Khamis.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=678354>